



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS
manè discutienda in Scholis Medicorum die Martis decimâ-septimâ
Januarii M. DCC. XLI.

M. LUDOVICO LEMERY, Regis Consiliario, &
Medico ordinario, Regiæ Scientiarum Academiæ So-
cio, & in Horto Regio Chimix Professore, Doctore
Medico, Præside.

An proxima, quâ corpus alitur, materies à rubrâ sanguinis parte diversa?

I.



RBICULAREM Fluidorum in machinâ Hydraulico-Pneu-
maticâ motum, vitam animale constitutere rectè dixeris. Se-
quuntur necessariò ex eodem motu, partium effluxus, & abrasio
indefinens: quoniam perpetuo nisu invicem agentium Solidorum
& Liquidorum, moleculæ partium solidæ deteruntur, atque una
cum portione superflua Liquidorum avolant. Dissuunt hæc per ex-
tremas arteriarum appendices, & per cutis poros viam sibi parant insensibilem.
Hoc autem effluxu maximè rarefietur corpus, & intra paucos dies deficeret ani-
mal, nisi continuò refarciretur dissolutionis hujus dispendium. Indè exurgit ali-
monii necessitas, succi scilicet alienius qui vacua proximè occupet spatia ab

A

effluxis moleculis derelicta, & qui vi circularis motus adactus, partes omnes, sustentet ac nutriat.

I I.

PLACUIT Antiquis spermaticarum & sanguinearum corporis partium distinctio, & tamen utrisque succum nutritium sanguinem sinxere. Neotestici partes omnes spermaticas esse observarunt; & proinde quas Veteres sanguineas dixerant propter affusionem sanguinis, non secus ac alias, succo à rubra sanguinis parte diverso, nutrirì pronuntiarunt. Ex his non pauci succi nutritii nomine Chylum donaverunt, cujus moleculis, mediante sanguine, ad partes delatis, quod ex iis deperisset, reparari existimavere. Qui liquor tenuitate suà omnes corporis partes penetrare ac pervadere potis est, qui gaudet particulis ductilibus, mollibus, glutinosis, congelari & concrefcere maxime idoneis, is esto quem quærimus succus nutritius. Hunc verò nec esse Chylum saltem è plantis exortum, nec rubram sanguinis partem ostendit quæ sele offert ultrò sequens ratiocinatio; præterquam enim antè chylicationem extitit nutritio, quin & antè ipsam sanguificationem; nec Chylus è vegetabilibus petitus, nec rubra cruoris pars requisita ad perfectam nutritionem dotēs habent in eo maxime succo reperiendas qui sanguinem existentia præiit, succorumque nutritiorum haberi potest exemplar & index.

LII.

PRIMÆVA humorum omnium lymphæ. Huic præparandæ apta nata sunt varia organa, canales pulsatiles, oscillantes fibræ, pistilla, mola, quibus lavigatur permixta sanguini Chyli portio in lympham evaluta; si Chylus ex alimentis vegetabilibus ortus; si enim ex animalibus, lympham continet absolutam: dubitas? Qui è carnibus, aut aliis animantium partibus elixis, exprimitur succus, à calore remotus instar lymphæ congelatur; calori dein expositus, instar lymphæ liquefcit; continuato calore verum in gluten abit, ut lymphæ; iisdem omnino principiis constar analysi dignoscendis, & lymphæ in omnibus similis; quodquidem in elixis plantarum quarumlibet partibus eodem modo perpenfis minime observatur, & ipsa diversum. Lymphæ igitur humor est benignus, qui primus fibrillarum vim oscillantem experitur, & à quo cujusque partis stamina crescunt initium faciunt. Hic enim embryonis membra vixdum delineata vivificat, expandit, & nutrit ante natum sanguinem; eidem succo, piscis instar, innatat materni uteri carcere clausus, membranisque septus, huncque ipsi per umbilicalia communicat mater. Nec utero tendis officium lymphæ continetur, quæ ut nascituro vires dedit, ita & in lucem erumpenti, & jamjam nato parvulo adauget & confirmat. Eà subindè & minutatim dilatantur canales & vasa ad totius corporis incrementum; eadem usque subsidia jam adultus effluxus detrimenta recuperat; illà partes omnes vim suam & molem tuentur. Tandem sanguineas partes lymphæ nutrirì negas? Has, calidà multoties affusâ aquâ, colore spoliabis rubro, sensuque percipies illas incrementum suum & nutritionem lymphatico succo debere. Urge adhuc? Carnes explora, vasa, membranas, cartilagines, ossâ ipsa, coctione mollia reddes, fibrosamque dereges partium omnium contextum. Hæc omnia, ac dictum, Gelatinam fundent, totaque ferè in mucaginem diuturniori coctione abibunt. Est enim nutritio generatio quædam continuata & quibus constant corpora, iisdem nutriuntur.

I V.

SCIRE optas quid sit humidum primigenium. Lympha; ros ille salutaris & benignus quo cunctæ, dum allabitur, irrigantur partes & reficiuntur, non secus ac succi nutritii, humidi etiam radicalis nomen jure sibi vindicat. Si Physicos cujusvis ætatis audiamus, sanguis massa est è quatuor humoribus constans & per vasa excurrentis; sanguis autem propriè dictus, portio istius massæ magis temperata, ad calidum & humidum deversgens, & colore rubro perfusa. Sanguinem alii asserunt ex salium vario genere constatum, sulphuribus contemptum, phlegmate dilutum, & fermentorum omnium parentem; si verò liquorem hunc alio modo consideraveris, duplicem in sanguine partem animadverteres, rubram nempe & albam. Rubræ usus incognitus, fortèque nullus, cum non pauca animalia illà careant: saltem in eâ positam succi nutritii essentiam ne existimes, quâ destituuntur multæ corporis partes, quæ tamen nutriuntur & vivunt; istud etiam probat illius proportio cum albâ, quæ est quasi unum ad tria: hæc siccata rubrum exhibet pulverem; alba verò in portionem fibrosam, gelatinosam, & aqueam dividitur. Fibrosa oculis conspicua; igni si ferum apponas, gelatinosam observabis: hæc est sensibilis & mechanica cruoris resolutio, ex cujus parte albâ multoties tritura; & ad tenuitatem eximiam redactâ, exurgit lympa illa limpida, corpori novas afflaturâ vires, molemq; auctura, vel saltem conservatura.

V.

ALIMENTA in ore dentibus divisa, affusione aquei humoris, seu salivæ, laxata mollescunt, & in ventriculo diluta cum pervenere, potius & aquei humoris iteratâ permixtione ulterius diluuntur, agentibus & contentibus carnis ventriculi fibris, interiorisque ipsius tunicæ rugis, necnon Diaphragmate musculisque abdominis, quorum omnium repetitis percussionibus, ingesta hæc alimenta in liquorem variæ molis & figuræ partes continentem, sensuque homogeneum convertuntur. Primâ tenuioris dilutionisque hujus liquoris secretionem factâ, post bilis & succi pancreatici affluxum, contorquetur hic per vasa lactea, & per alios ductus ad cor devehitur; undè tamquam ex Antliâ vibratus unâ cum sanguine, inibi aëris vi rursùm premittiturque; inde per pulmonum venas redux, iterùm & eadem vi in omnes corporis partes impellitur, hæcque vis immensa pulsatilis familiæ ipsam etiam ex eisdem refluxum facit per arterias recurvas seu venas: sunt enim illarum continuatio. Chylus itaque partes in dextro cordis ventriculo & in pulmonibus trita, eandemque rursùm toturam in altero cordis sinu expertæ, tandem ulterius in Corculis in fractuosis vel arteriis comprimuntur, ad bifurcationes allduntur, variis etiam musculorum artuum motibus, membranarumque pressione continuatâ magis ac magis atteruntur. Quanquam autem alimenta in Chylum conversa, in singulis quas transgrediuntur partibus indesinenter comminui concedamus, ne putes varias & intimas, quæ ipsis successivè adveniunt, alterationes à tritu proficisci: is quippè in integrantes solummodò mixtorum partes agit, hæcque actione, quâ partes illæ tenuitatem majorem tantùm acquirunt, nequaquam immutatur propria illarum natura. Cortex peruvianus in pulverem, licet tenuissimum, redactus, vim febrifugam servat, eaque non differt à cortice peruviano, qui est integer, aut crassiusculè solum tritus. Variæ autem & essentielles particule, quibus singula pars integralis constatur, solius

A

fermentationis vi subjiuntur; sola hæc eas attingit, & diversè combinat, ar-
ctius unitas extricat, evolvit, diducit; parùm aut minimè connexas intimè
conjungit, sicque nova continuo mixta producit dotibus novis & peculiaribus
donata. Fermentationis causa est materies ignea, à Sole emanans, corpora fer-
mentationi idonea, quales sunt singuli corporis nostri liquores, perpetuò per-
vadens, iisque necessariò fermentationem inducens, undè variæ illorum al-
terationes quibus impar omninò tritus, Dubitas? Exemplo sequenti certior fies.
1°. Si Plantarum interiora, earumque præsertim, quibus animalia quadam
aluntur, Analyfi Chymicà attentè consideraveris, maximam in iis salium fixo-
rum copiam, minimam aut nullam volatilium invenies. 2°. Si similes Plantæ
tritu priùs & exquisitè subactæ & comminutæ, Analyfi dein exponantur, ni-
hil indè tunc elicietur diversum ab iis substantiis quas suppeditant, ubi ne mi-
nimùm quidem fuerunt contuse. Denique si fiat Analyfis singularum partium,
quibus constant quæ Plantis unicè vixerunt animalia, maximam in his salium
volatilium quantitatem, fixorum minimam observabis; undè patet sales Plan-
tarum fixos in animalibus volatiles factos: & cùm experiencià compertum sit
tritum istius conversionis omninò esse incapacem, hanc fermentationi, quæ
ex dictis, in animalibus necessariò viget, eò confidentius tribuimus, quòd Chy-
mia nos doceat, in duabus ejusdem mixti vegetabilis portionibus, quarum
una sufficienter aquà diluta fermentationem subiit, & altera defectu istius li-
quidi similem non passa est fermentationem, idem omninò Analyseos ope obser-
vati quod in Plantarum & animalium minimè carnivororum analysibus simul
collatis jam observatum.

Ergo proxima, quæ corpus alitur, materies, à rubrà sanguinis parte diversa.

DOMINI DOCTORES DISPUTATURI.

<i>M. Adrianus Malaval, Con- siliarius Medicus Regis ordina- rius in ejus Castellero & Rei Herbariæ Professor assigna- vit.</i>	<i>M. Franciscus-Felicitas Cochus.</i>	<i>M. Joannes-Baptista Silva, sa- lubris Consilii Regii Socius, & Serenissimi Principis Con- dai Medicus ordinarius.</i>
<i>M. Jacobus-Albertus Hazon.</i>	<i>M. Ludovicus-Florentius Bellon.</i>	<i>M. Joannes-Baptista-Thomas Marrineng.</i>
<i>M. Claudius Carolus Dejean.</i>	<i>M. Joannes de Dieß.</i>	<i>M. Franciscus Ponsse.</i>

Proponebat Parisiis CAROLUS GEILLE DE SAINT-LEGER,
Claroniontanus, Baccalaureus Medicus, A. R. S. H. 1741.
à sextâ ad meridiem.